



9799

kat komp

I


Mon. St. D.

P

h. De dignitate histo-
ris. Elbingae 1651.

~~Hist. p. 447.~~

provenit bei ark Fz



JOACHIMI PASTORII
DE DIGNITATE
HISTORIÆ

ORATIO

cum honorarium Historiæ
docendæ munus aggrederetur,

habita

ELBINGÆ

ANNO

CHRISTI SERVATORIS

M. DC. LI.



Typis ACHATI CORELLI.

MAGNIFICO
BURGGRABIO

NOBILISS: ET AMPLISSIMIS
PRÆCOSS: ET COSS:
REGIÆ CIVITATIS
ELBINGENSIS

Dominis Patronis & Fautoribus suis
Observantiæ & studii testandi
causâ

9799I

Lubens meritorij

D. D. D.



JOACH: PASTORIVS D.
Med. & Histor: Regius, Physi-
cus Elbingens & Historiar. ibid.
Professor honorarius.




MAGNIFICE BURGGRABIE,
NOBILISSIMI PRÆCONSVLES,
AMPLISSIMI CONSULES,

Rerum sacrarum, Legum, Phoebi & Musarum.

Antistites, Cultores, Alumni,

Nunc Auditores mihi reverentiâ, honore, amore
dignissimi.



T auspicator fiat, quod
agere ordimur, primò omnium
oculos animosq; ad eum con-
vertimus, qui meritò actionum
nostrarum omnium princi-
pium & finis est. Jubeat hoc
pietas, jubeat prudentia, nihil
aggredi, nisi impetratâ pace & clementiâ invocatâ
ejus, sine quo improsperè cedit, & nequiter eve-
niet, quicquid cæptaverimus. Is ô gratiâ suâ ades-
se his auspiciis nostris, is in nominis sui decus, in-

fidelium suorum solatium, in artium bonarum ornamentum, in commodum juventutis, in Urbis hujus & egregii publici adjumentum efflorescere, vellet labores, quorum nunc seu præludium, seu primum potius protelum facimus. Is & mihi vires suppeditet oneri suscepto pares, & animos vestros laboribus meis ita propitios, ita faciles reddat, ut ardor meus, qui audientium fastidio atque operâ segniore facile elangvesceret, studio vestro magis inflammetur. Voto huic meo liceat mox omen, quod ipsemet jam lætus mecum facio, adjungere. Ex hoc enim benigno oculorum vestrorum in me conjectu, ex innubi istâ frontium explicatarum serenitate, ex composito denique ad audiendi patientiam habitu nihil prælagire, nihil promittere mihi aliud possum, quam faustum & orationis hujus, & cæterorum, quos in posterum in hac Urbe susceperimus, laborum eventum.

Opinor & argumentum, de quo dicere jam institui, tale esse, ut & alacritati vestræ stimulos majores, & nostræ tenuitati copiam dicendi uberem subicere possit. Historia est, quam in theatrum hoc producere molior, res sanè ut mihi indigno Sacræ Majestatis Historico perdecora, ita vobis, ita universo hoc auditorio haudquaquam indigna. Neque vereor, ne fastidiosior aliquis aut vetus illud mihi,

cui non dictus Hylas? objiciat, aut id quod
Herculem laudaturo Rhetori oggestum est, occla-
met, quis rem, quam laudare paras, unquam vitu-
peravit? Quid enim? an ideo res laudabiles ad si-
lentii carceres damnandæ erunt, quia sæpè antea
dicturis argumentum præbuere sermonis? An DEI
laudes, an virtutum encomia ideo jam reticenda
sunt, quia toties ante in auribus hominum sonuê-
re? Sint imò verò crebræ nobis in ore, crebræ in
stylo, crebræ in mente res, quæ nunquam satis dici
vel disci possunt. Neq; terreat adeò nos tædii me-
tus, quod ex argumenti ejusdem occursum quidam
præcipiunt magis inani opinione, quam reipsâ sæpè
percipiunt. Sunt enim res illæ eximiæ, de qua-
libus loquimur, tam fertiles, tam copiosæ, tanta in
se habent materiarum latifundia, ut nullâ unquam
Oratione ea ita exhaurire possis, quin subinde adhuc
aliquid novum in se habeant indictumq;. Ea por-
rò & ingeniorum & verborum varietas est, ut quem-
admodum in tam immensâ hominum ex eodem
mortalitatis seminio & eodem modo nascentium
multitudine, sua cuiq; & plerumq; ab aliis diversa
facies est: ita de re eadem alius aliter & meditari
& differere queat; si modo ingenii habet aliquid, &
id quod habet acuat stimuletq;, nec à dicendi fa-
cultate planè deseratur. Mihi de historiæ digni-

tate, deq; causis, ob quas ea magni facienda sit, nunc dicturo haud vacavit curiosè dicta ab aliis de hoc argumento, à non dictis secernere. Si gratiam novitatis aliquomodo inibo; spei equidem meæ, minimè verò voti apicem excessero: sin minus, officii saltem ratione excusabitur historici de historiâ, suo qualicunq; modo, pro virium scilicet mensurâ, dicentis oratio.

Atq; ut ab ovo rem ordiamur, accedamus primum ad ipsa historiæ incunabula, & natales ejus lustremus, visuri, num quid habeant splendoris aut dignitatis. Novimus à nobilitate prosapiæ multum pretii rebus accedere; & venerationem nonnulla assequi ab ipsâ & solâ antiquitatis canitie. Ac profectò si quid incorruptis laudatæ vetustatis seculis extitit, jamq; tum sapientû inprimis consensu pro bono & præclaro habitum est, eamq; laudem postea, per tot judiciorum casuumq; adversa, per temporis ipsius tacitos quidem sed malignos & letiferos admorsus tueri potuit; id honorem, id cultum, admirationemq; meretur: majorem certè, quàm alia, quæ hodie aut heri nata, novâ luce, sed minus adhuc exploratâ, forte & non duraturâ enituere. Venerabilior fons est, qui per exesam vetustate rupem continuo plurium seculorum tractu, aquam & copiosam & salubrem effudit; quàm

alius recens & minus compertæ salubritatis. Pre-
tiosior auri scatebra est, quæ per multas ætates in-
exhausto optimi metalli proventu herum suum
continuò beat; quàm quæ noviter exorta minus
certâ adhuc aut ubertate aut præstantiâ oculos
animosq; hominum in se arrexit. Jam si quid
usquam rerum à natalium vetustate venera-
tionem meretur, meretur sanè historia. Ipsi
sanè rerum naturæ propè æquæva est; & ibi ejus
incunabula quærenda nobis sunt, ubi ipsa mundi
primordia. Simulatq; enim aliqua in orbe con-
dito exstitit mens creatas res contemplari idonea;
illicò quoq; historia emicuit. Illa quippe rerum
singularum, & quæ iis acciderent, eventuum con-
templatio noticiam id est historiam in mente consi-
derantis peperit; unde & historia ab ἱστορίᾱ, ἱστορίᾱ autem
ab ἱστέω id est à cognitione nomen habere rectè
creditur: quanquam scio aliter alios de vocis hu-
jus origine ludere veriùs quàm judicare. Cæ-
terùm cum eadem res singulares, actiones eadem,
iidem eventus sensu contemplantis primùm per-
cepti, deinde & memoriâ comprehensi, alii ab
eodem aut narrarentur, aut scripto etiam, ubi lite-
rarum usus accessit, ad plures propagarentur, illo
partu ex mentis interiore recessu in lucem exclude-
batur traditio, excludebatur historia. Ferè enim
hæc

hæc non differunt inter se; nisi quod usus hodie apud nonnullos obtinuit, ut traditionem vocent id, quod gens aliqua vel ipsum genus humanum per manus quasi sibi tradidit; historiæ contra nomine, literis proditam de re quacunq; narrationem significant. Quicquid sit, simulatq; homines esse, & se resq; alias nosse cœperunt, cœpit esse historia. Et absq; hæc foret, mundum hunc & hominem ipsum conditum unquam esse, homines propè omnes ignorassemus. Tradidit hoc, qui primus esse in mundo cœpit, posteris suis; hi vicissim DEO iubente, aliis, donec ad Moysen devoluta relatio fidiore memoriæ custode libro, auspice divino spiritu, comprehensa est.

Id cum factum sit, mille quingentis plus minus annis ante natum mundi Servatorem: adeòq; is liber omnes alios, quocunq; etiam colore superbi- entes, longissimo temporis intervallo antecedit; non inde tamen natales historiæ arcessendos esse satis perspicit, qui illam unà cum mundo nascente, cum hominum certè memoriâ natam esse jam intellexit. Faciat antiquitatem suam Philosophia: & si primam mineram, si matricem ejus spectes, Rationem seu intellectum, dissimulari equidem non potest, rectè illam eadem cum intellectu ærâ genus suum computare, & eundem originis suæ autorem habere, Deum. Nolim etiam contendere cum

illis, qui eam à primis & à DEO adhuc quasi recentibus humani generis propagatoribus excultam, atq; artium insuper omnium compendia columnæ saxæ insculpta perhibent. Certè de artibus nonnullis, præsertim non spinosis illis, non altum nimis sapientibus, non illam recente damno tum cognitam scientiæ boni & mali arborem redolentibus, sed humanitati & vitæ agundæ necessariis minimè id absimile videtur vero. Interim quicquid sit, historiam vetustate non æquat Philosophia: quippe quæ historiæ se totam debet & ex historiâ nata est. Nihil est in intellectu, nisi quod fuerit in sensu, ajunt ipsimet Philosophi: ergò nihil habet Philosophia, nisi quod ab historiâ didicerit. Historia enim à sensu, Philosophia ab intellectu dependet. Negari non potest, tria esse in homine organa interiora, quibus rerum noticia percipiatur, memoriam, phantasiam, intellectum. Prima omnium memoria, ut rectè meo judicio scientiæ consulti hodie philosophantur, suscipit à sensu, quicquid cogitatione scientiæve dignum offertur: suscipit deinde iterum à phantiâ & intellectu, quicquid hic definierit judicando; illa discurrendo imitandove effinxerit. Ita videtis & primum & postremum in cognitione rerum esse memoriam. Memoria verò filia & organum est Historia; uti phan-

B

thasiæ

Poëtica, Philosophia rationis. Cum homo res prout sunt, & prout eas vel vidit, vel audivit, vel palpavit, suscipit, servat, refert, historicum agit: cum res easdem svavi qvâdam ludentis phantasiæ imitatione repræsentat, ita tamen, ut de suo aliquid affingat, & terræ cœlum, homini Deos misceat, tum Poëtam se exhibet. Cum easdem deniq; res colligit confertq; intra animum; cum ex multis singularibus genus conficit; cum qvîcquid de toto illo genere concipi potest, concipit ingeniosè, digerit concinnè, connectit aptè, tum philosophi officium præstat. sed ut vidimus, primò omnium historicum agit: Philosophum tum demum, cum rectè egit historicum. Cum enim philosophiæ omnis ratio in eo potissimùm, ut indicavimus, consistat, qvòd certas easq; , quam potest, latissimè patentes scientiæ sapientiæq; regulas, & definitiones divisionesq; rerum ex observatione singularium, & ut vocant, individuorum struit; patet sanè, observationem rerum singularium seu individuarum, hoc est, historiam, ordine præcedere, & esse quasi parentem scientiæ. Est inter scita philosophiæ (ut de plurimis aliqua afferamus) omnia flumina in mare seu Oceanum redire. Id antequam affirmaretur, data diu observationi opera est, & scilicet inqvisitum, qvò Tigris, qvò Euphrates, qvò Ganges, qvò Ti
be

beris, quò Rhénus quò Danubius & alia ejusmodi flumina deferrentur. Cum tandem ex observatione historia docuisset, omnia in mare, nullum aliò devolvi, natum inde hoc de fluviis axioma est. Sic Discordiâ res magnas dilabi, civilis sapientiæ pronunciatum est. At non ante receptum, aut pro certo habitum, quàm multis ossibus ille discordiæ scopulus albescere cœpit, quàm ad illum multæ domûs, urbes, Respubl^æ. regna, imperia fecere naufragium.

Hinc autem porrò jam sponte suâ elucescit alterum decus historiæ, Amplitudo. Cum enim philosophia omnis ex historiâ, hoc est, rerum singularem observatione nata sit, sequitur nec arctioribus eam terminis cludi oportere, quàm ipsam philosophiam. Scandit, ut videmus, philosophia cœlos, siderum positûs, motûs, effecta atq; in res terrenas influxus scire se arbitratur. Sed profecto quicquid id est, quod istic scit, scit ex historicâ rerum lustratione & experienciâ. Hæc etenim, quid hoc vel aliud sidus, hæc vel illâ cœli regione positum, huic vel illi sideri oppositum in terris operetur, quando & quare solis vel lunæ lampas subtrahatur oculis, multo annorum factò impendio docuit mortales. Disputat Philosophia de meteoris, de cometis, de ventis, pluviis, tempestatibus: at si quid certi de tali-

bus habet, habet pariter ex historiâ: quanquam
dolendum est, eam historiæ partem non diligentius
excultam haftenus: ne quæri haberet novus sapien-
tiæ instaurator Verulamius, haud reperiri de istis
historiam, quæ alicujus sit pretii. Tradit Philoso-
phia animalium naturas, ingenia plantarum, lapi-
dum metallorumque discrimina: at hæc omnia utique
ab historiâ hausit: & huic magistræ si industria hu-
mana in istis plus operæ dedisset, nec observatio-
nibus antiquorum, nondum colophonem suum ha-
bentibus, ita securè indormiisset, longè melius cum
hâc quoque parte philosophiæ ageretur. Docet mul-
ta de actionibus humanis philosophia, metiri altitu-
dines, ponere calculos, magna pondera librare,
molibus aërem & maria occupare, regere domum,
gubernare urbem, provinciam, Regnum, Orbem
denique docet. Monstrat decus virtutis, rectè fa-
ctorum præmia, secus factorum noxas, bonæ con-
scientiæ solatia, malæ tormenta facesque furiales
ostendit. Rudimenta civitatum Imperiorumque,
eorundem incrementa, fata, periodos explicat,
vulgi, principum ingenia enarrat, arcanas consilio-
rum scatebras, & potentes artium politicarum, qui-
bus mundi cardines circumaguntur, fabricas pro-
mit, belli fas nefasque docet, victoriæ & obtinendæ
& utendæ modum exsequitur. At hæc omnia

unde didicit nisi ab Experienciâ? unde hausit primus, unde postea absolvit firmavitve, nisi ex historiâ? Videtis ergò, Nobil Audit, latissima Historiæ pœmaria, ut quibus philosophia, quaquà regnat, suas debeat opes. Sed & extra hanc Historiæ vis porrigitur. Et est, ubi philosophia modicum aut nihil potest, at potest plurimum historia. Theologiæ salutiferam disciplinam mihi videte. Ea uti ex historiâ revelationum divinarum, prævio & dirigente spiritu cœlesti, nata est; ita alitur pariter & sustentatur. Non ibi traduntur abstrusæ speculationes ingeniorum, non archipodialitatum inventa, non subtiles fumi abstractionum, quibus curiosi & male feriat quidam in nubes & inania feruntur, & quod pessimum, sagarum instar, in orbe nostro tempestates excitant. Sed nempe enarrantur magnifica DEI opera, ejusdemq; ad homines per internuncios prophetas effata: exponitur, quid unigena DEI filius, mundi servator, docuerit, promiserit, fecerit, obedienciâ suâ mortalitati meruerit; quàm paucis, sed salutaribus dogmatibus Apostoli humanum genus imbuerint, quâ vi deniq; ab æti, inopes, inermes, rebellem, luxuriantem & armatum orbem, Dei & Heri sui Christi magisterio projecerint.

Enim verò nihil omninò historiæ vel anti-

qvitas vel latissimè per universum patens amplitu-
do afferret commendationis; nisi summæ simul &
plurimæ utilitatis ferax esset. Rarissimo cuiq; nec
diu arida & sterilis vetustas placet. At cum in ex-
hausto fœcunda vigore in qvàm lætissimos fructus
exuberat, eximio honore digna habetur. Jam
si qvicquam rerum omnium, qvas vel natura pepe-
rit, vel artis ingenium effinxit, utile est humano
generi, est profectò historia. Solem propè alte-
rum dicere possis vitæ mortalium. Solem, ma-
gnum universi hujus oculum, principem esse rerum
humano generi utilium semper credidère mortales:
Unde & pro DEO à multis olim gentibus, qvan-
quam sub diversis figuris & nominibus habitus cul-
tusq; est. Sed profectò haud plus corpori humano
Sol, qvàm menti humanæ historia affert emolu-
menti. Lux mundi Sol est, lux veritatis historia.
Temporum diribitor sol est, temporum testis hi-
storia. Vitæ at brevis conservator sol, longissimæ &
qvodammodo immortalis, historia. Veritate ni-
hil pulchrius, nihil divinius. DEUS enim ipse
Veritas est. Et veritate proximè ad DEum acce-
dit mortalitas, ut jam olim Pythagoras judicabat.
Eam qværimus, vestigamus, eruimus, scrutamur,
venamur omni animorum indagine: magnâ ple-
riq; otii impensâ, multi & cum pacis dispendi-

etiam circa scorias ejus occupantur, dixeram fere,
& forsan non temerè, digladiantur. Scilicet enim
non in summâ humo exstare aurum istud Deus vo-
luit: ut qui etiam illud, præfulgidum quidem &
pulcherrimi nitoris, sed non æquè omne necessari-
um vitæ humanæ esse voluit. Plurimum ejus altè
& in profundo demersum est puteo: unde non sine
virgulâ divinâ, non sine improbo labore, addo &
discrimine multo, nec nisi per partes, & diversis
seculis extrahitur. Quidquid tamen ejus necessa-
rium aut insigniter utile est, id in aperto Divina cle-
mentia posuit; aut si alicubi tenebræ restant, dedit
Ariadnen, extruxit Pharon, quæ educat. Pharos
hæc, Ariadne illa historia est. Est enim lux ve-
ritatis, ut verè judicavit magnus Cicero. Ab
illâ habemus mortales, quicquid habemus certi de
rebus humanis. Quippe quam non ludibundæ
imaginationis fœcunditas, non curiosa per meras
abstractiones vagandi libertas peperit, sed Experi-
entia, minus equidem subtilis, ut creditur, sed eò
fidior certiorque veri magistra. Quodnam enim
verò in rebus humanis incorruptius atque indubita-
tius fidei autoramentum habemus, quam ubi quid
oculis, auribus, manibus vel nostris, vel saltem alio-
rum fidem merentium usurpatum intelligimus?
Certè

Certè qui propriis sensibus suis non credat, vix puto
quonquam reperiri; ubi imprimis satis habuit tempo-
ris, virium, voluntatis, ad expedienda, excitanda,
& rebus ritè applicanda sensuum organa. Thomas
equividè, ille lentæ fidei discipulus, postquam ungues
suos lateri Domini impresserat, Deo dante, desiit esse
incredulus. Et Joannes, delictum illud Servatoris,
non in valida fidei munimenta sibi præstruxisse vi-
detur; cum Epistolam suam ita orditur: quod vidi-
mus oculis nostris, quod lustravimus, quod mani-
bus nostris contrectavimus, annunciamus vobis.
Sed sibi quidem facilè homines habent fidem &
haberi etiam ab aliis volunt: verum aliorum fidem,
inquiunt, unde constat esse ita integram, ut in eâ
securè acquiescere possimus? Toties nobis impo-
nitur, toties glaucoma offunditur. Toties malè
certa pro verissimis, incomperta pro exploratissi-
mis afferuntur. Sæpissimè aucupio gratiæ, vel
metu offensæ à veri tramite abducuntur scriptores.
Fateor ita esse. Nimium enim nota est ista sca-
bies, quam nitidissimo historiæ vultui impura in-
genia affricant. Sed non de eo nunc agitur, quid
nonnunquam fiat, sed quid & debeat & possit fie-
ri, fiat deniq; ut plurimum. Quid enim? an opis
humanæ non est ab istis tineis integram servare hi-
storiam, Nonne reperiuntur & subinde reperta,

su



Biblioteka Jagiellońska



stdr0013694

